

DEN SKINA CAYENTE....

Fotos y Texto: Jan Poets

OLGA TAÑON LO YEGA ARUBA

AWETARDI!!...

...Espectativanan ta grandi pa su concierto di awenochi den Don Elias Mansur Ballpark...




**** Awetardi "La Muher de fuego", OLGA TAÑON, lo yega Aruba pa asina awenochi brinda Aruba su espectáculo durante e gran anochi di Celebrity Concert den Don Elias Mansur Ballpark. Olga Tañon ganador di e prestigioso Grammy Latin Award 2003, a caba di realiza un exitoso concierto na Caracas, Venezuela, na unda e ta gozando di un gran popularidad. Aki na Aruba tambe Olga Tañon ta disfrutando di un gran popularidad, cual lo bay ser demostra awenochi den Don Elias Mansur Ballpark. E forma con masivo e ticketnan ta bayendo den e ultimo dianan aki, tin tur indicacion cu por bay spera un yeno total awenochi den Don Elias Mansur Ballpark...**

AWE 6'OR PM NA TELE ARUBA.. POETS TV TA PRESENTA... EDISHON SPECIAL CU OLGA TAÑON, LOS RABANES, SOUND & MORE, OLARTE BROSS & FRIENDS, SIDNEY PONSON Y EUGENE KINGSALE...

...Poets Show na Top 95 fm tur diasabra 1or-5'or pm....

EUGENE KINGSALE A FIRMA CU SAN DIEGO PADRES PA TEMPORADA 2004..

**** Aruba su orguyo pelotero di Grandes Ligas, Eugene Kingsale, a ricibi e grato noticia ayera for di su abogado Barry Praver, cu el a ser firma pa San Diego Padres pa e temporada di 2004. Tabata net loko cu Eugene Kingsale tabata desea tambe. Durante temporada 2002, Eugene Kingsale a realiza un magnifico trabao pa San Diego Padres. Detroit Tigers a firma Eugene Kingsale pa e temporada di 2003, di cual Eugene a inicia den bon forma, pero lamentablemente el a sufrir un lesion cu a pone riba DL. Despues di a recupera y a hunga e resto di temporada den Triple A, Eugene a tuma e decision pa no sigui mas cu Detroit Tigers. E motibonan tabata cu e ambiente den e team tabata uno sumamente negativo, pasobra Detroit Tigers tabata sufrir un record di derota. Recientemente Eugene**



Kingsale a forma parti di e seleccion di Hulanda y a realiza un tremendo trabao tanto cu su bate como su fildeo. Na luna di februari 2004, Eugene Kingsale mester raporta den e spring training camp di San Diego Padres na Arizona. For di awor caba DEN SKINA CAYENTE ta desea Eugene Kingsale hopi exito durante 2004 cu San Diego Padres...

...Na yegada di e cantante principal di Los Rabanes...Emilio Requeira a expresa!!...

LOS RABANES LO BAY BRINDA ARUBA UN ESPECTACULO..HAMAS VISTO!!...

**** Ayeratardi e cantante principal di Los Rabanes a yega Aruba. Emilio Requeira a yega Aruba for di Miami, Fla, na unda e ta residencia. Emilio a yega Aruba den compania di su soundman, Jose Vivas. DEN SKINA CAYENTE tabata**




**** Emilio Requeira, cantante principal di Los Rabanes...**

presente na aeropuerto y a sostene un entrevista breve cu Emilio, kende a expresa su alegria di despues di a tende hopi cos bunita di Aruba, porfin el a yega Aruba. For di momento cu a bira conoci cu Los Rabanes lo ta na Aruba y den concierto cu nada mas y menos Olga Tañon, Los Rabanes a cuminsa prepara algo mas special pa e gran anochi aki. Los Rabanes cu ta consisti di


ATLANTA BRAVES, CHICAGO WHITE SOX, ANAHEIM ANGELS Y PHILADELPHIA TA DESEA PA NEGOCIA CU SIDNEY PONSON....

**** Aruba su orguyo astro pitcher di Grandes Ligas, Sir Sidney Ponson, mayan diadomingo lo bay cumpli 27 aña y lo cuminsa celebra esaki awenochi den Don Elias Mansur Ballpark durante e grandioso Celebrity Concert. Apenas cu e ultimo wega di World Series a termina cu Florida Marlins a gana NY Yankees pa asina titula campeon, e celular di Sidney Ponson a cuminsa ta ring cu yamadanan for di diferente oficinanan di e teamnan cu ta interesa pa negocia cu su abogado y su persona. Sidney Ponson cu actualmente ta un di e pùtcherman habrido mas solicita como agente liber, a haya reaccionnan caba for di Atlanta Braves, Chicago White Sox, Anaheim Angels y**



Philadelphia. Mientras tambe tin otro teamnan di number grandi cu tambe ta interesa den su servicio pa temporada 2004. Por a compronde for di Sidney cu despues di dia 15 di november proximo, e negociacionnan lo bay ser concretiza pa asina e bay conoce su team nobo pa 2004. PABIEN y hopi aña mas di bida, salud y hopi exito den 2004...

Los Rabanes. E soundman di Los Rabanes a garantisa e calidad di sonido cu por bay ser spera y tambe a enfatisa cu Los Rabanes no ta un grupo cu ta toca playback, pero puro sentimiento musical cu ta sali for di nan curason. E estilo di Los Rabanes ta uno completamente diferente cu un mescla di e musica caribeño. Los Rabanes sigur lo bay ta un gran sensacion awenochi!!...



**** Na yegada di Emilio Requeira y su sound man Jose Vivas, nan a ser ricibi pa Eugene Kingsale y Edson Kelly di Celebrities Foundation...**